



# Legarutno e aplikantenge bašo granti

## Rezime

O Fondi Tamirinaja purkja, kerdo ko 2014 berš, si jekhutno thaj lokho čhani baši resibe dži fondia baši majbutčhibjengere ja partnernikane jekčhibjengere sikljovne thaj anglisikljovibaskere khera(gradinke), sar thaj bašo komune kola mangena te implementirinen aktivipa dromarde kori anglunikeribe i integracia taro čhave thaj sikle kolen si turli siklanakere čhibja. Ov si kerdo barabarutne deibeja zor taro Ministeriumi baš edukacia thaj vigjani, Švajcariakiri Radži thaj OABE-skiri Misia ko Skopje, a majgeči suporta thaj tari Irlandakiri Radži- Ko akava momenti, i Ambasada taro Thagarutnipe Holanda, o Radže tari Austria thaj Uniime Amerikakere raštre, sar thaj OABE-skiri Misia ko Skopje aktivnikane andarena kori Fondi.

Resarin taro Fondi si te šajdakeren pe multietnikane džandipa sa e čhavenge thaj siklengere taro majtikne berša, a odolea te andarel pe kori tamiribe o sasoinipe kova arakhela thaj si barikano ple turlipaja, sar thaj pendžaribaja o barvalipe taro barabarutne moldipa kolen ulavaja.

E neve generaciengere valjani purkja kola phandena maškar peste thaj puterdo resibe dži barvalipa thaj lošalipa kolen anela o turlipe, ulavdeste ko sikljovne kola valjani te hazrikeren olen baš integirime avutnipe ko turlipaskiri Evropa.

O Fondi Tamirinaja purkja resarela te andarel kori odova.

## Fondeskere resarina thaj nahtarale pučiba

**Šerutni resarin taro Fondi Tamirinaja purkja** si te barjarel i maškaretnikani interakcia, haljovibe thaj integracia ko sikljovnakoro maškar motiviribaja thaj šajdakeribaja finansiakoro suporti e komunenge, butečhibjengere sikljovnenge thaj anglosikljovibaskere kherenge(gradinkenge) ja partnernikane jekhečhibjakere sikljovnenbe thaj čhavengere anglisikljovibaskere kherenge(gradinkenge) turli siklanakere čhibjencar baš ikeribe ko čačipe barabarutne aktivipa kola saikerena sa e khedinen.

**Specifikane rearina taro Fondi Tamirinaja purkja** si:

1. Te andarel kori zurarkeribe i maškaretnikani integracia e čhavenge thaj siklengere ko sikljovne thaja nglisikljovibaskere khera(čhavengere gradinke) deibaja suporti e intergativno aktivipange;
2. Te del lokheste resibaskere love e sikljovnenge thaj anglosikljovibaskere kherenge(čhavengere gradinkenge) baš ikeribe ko čačipe strukturirime aktivipa dromarde kori maškaretnikani integracia;
3. Te del suporti e proaktivno ovibaske thaj čhavengere thaj siklengere akngažiribaske, sar thaj te vazdel i mins(gogjalipe) maškar o čhave bašo džanlipe taro dizutnikano angažmani thaj o barvalipe kova ikljovela taro turlipa.

**O kontinuiribe(ikeribe ko avutnipe)** si nahtaralo pučibe ko pervazia taro Fondi Tamirinaja purkja. Akava vakerela kaj e proekteskere bahania dende dži Fondi zaruri si te saikeren informacie baš odova sar planirinena te arakhen:

- Finansiengoro kontinuiribe: Sar ka finansirinen pe avutne integrativna aktivipa ja/thaj ka tamirinel pe upro lende rezultatia akale proektestar taro kana ka agorkerel o suporti taro Fondi?
- Institucionalno ikeribe ko avutnipe: Save strukture/mehanizmia baši komunikacia thaj barabarbuti, tamirkerde sar kotor tar akava proekti, ka oven tumen bukjake pala ko agorkeribe tar akale proekteskere ikeriba ko čačipe, resarinaja te anglunikeren pe o lende rezultatia? Sar ka istemalkeren akala mehanizmia ko planiribe thaj ikeribe ko čačipe avutne integrativna aktivipa?
- Socialnikano ikeribe ko avutnipe: Sar ko avutnipe ka arakhen thaj anglunikeren o kerde phandiba(relacie) maškar o sikle? Savi ka ovel i rolja taro sikljovne ko odova arakhibe? Save aktivipqa anglodikhena ko avutnipe resarinaja te anglunikeren akala phandiba(relacie)? ka istemalkeren ja na socialnikane mediumia baš avutni komunikacia?

## Konsilideibaskoro komiteti taro Fondi Tamirinaja purkja

O Konsilideibaskoro komiteti taro Fondi Tamirinaja purkja si nahtaralo badan kova anela decizia baš aplikaciengoro notikeribe, deiba rekomandacie dži aplikantia baš odova sar te šukarkeren ple aplikacie thaj so si majdžanlo, bašo deiba grantia. O džene ko Konsilideibaskoro komiteti si angažirime ki šukarmangipaskiri funda - ola nane purakerde baši lengoro saikeribe ki buti taro Komiteti. Nekola ja sa o džene taro Komiteti nekana čalipaja ka len than ko šurakeribe tar aktivipa kola si dende taro Fondi.

Ko akava momenti, O Konsilideibaskoro komiteti si saikerdo tar akala džene:

- **Biljana Micevska - Josifovska**, Kabineti taro Ministeri baš edukacia thaj vigjani;
- **Džef Goldstajn**, Šefeskoro irandutno ki OABE-skiri Misia ko Skopje.
- **Irena Orovčanec**, Konsilideibaskoro dženo, Agencia baš ikeribe ko čačipe taro khedinengere nijamia;
- **Lela Jakovlevska**, Učeder Specialisti taro Proekti baš edukacia, USAID, ko anav tari Ambasada tar UAR;
- **Milutin Stančić**, Direktori, Direkcija bašo zuraribe thaj anglunikeribe i edukacia ko čhibja taro minoritetengere preperutne, MEV;
- **Ognen Janevski**, TV legarutno thaj dizutnikano aktivisti, TV 24;
- **Rebeka jankovska Risteski**, muzikano artisti thaj dizutnikano aktivisti;
- **L.E. Renate Kobler**, Ambasadori taro Avstrija ki Makedonia;
- **Safet Neziri**, Raštrakoro konsilideibaskoro dženo, Ministeriumi baš edukacia thaj vigjani;
- **Sara Barbieri**, Proekteskoro menadžeri baši Tamiribe purkja, OABE-skiri Misia ko Skopje;
- **Sašo Dodevski**, Konsilideibaskoro dženo, Ministeriumi baš edukacia thaj vigjani;
- **Toni Zen**, muzikano artisti;
- **Valmira Istrefi**, Konsilideibaskoro dženo ko kabineti taro Radžakere prezidenteskoro irandutno, SIOFA;
- **Venera Lumani**, muzikano artisti;
- **L.E. Vouter Plomp**, Ambasadori taro Thagarutnipe Holanda ki Makedonia;

## Granteskere čhania

O Fondi Tamirinaja purkja dela duj čhania grantia e aplikantenge, "Ničale" thaj "Sigutne" grantia. O paketi e dokumentencar baš apliciribe šaj te huljaren pe tari veb-patrin taro Ministeriumi baš edukacia thaj vigjani<sup>1</sup> ki

<sup>1</sup><http://www.mon.gov.mk/index.php/dokumenti/2014-07-30-12-00-34/gradime-mostovi>

jek taro 7 čhibja kola si ko oficialno istemalkeribe ki nesavi taro lokalnikane korkoriradžipa ki phuv. I aplikacia šaj te del pe ki savi tesi jek tar akala čhibja, numa i jekajek si zaruri thaj te ovel nakhavdi thaj ki **anglikani čhib**.

## Ničale grantia

**Ničale grantia si grantia dži 7000 evria.** Sakova berš si trin rokoja baši deibe avazikerina: **1-go mart, 1-go maj thaj 1-go oktombri**. I pherdi aplikacia valjani te bičhalel pe dži:

**Fond Gradime mostovi**

**P.Fah 558, 1000 Skopje**

O aplikacie putrena pe thaj dikljarena pe avgo tari rig tar Egzekutivakiri kancelaria taro Fondi Tamirinaja purkja ki te dikhljarel pe pherena ja na o liparde kriteriumia. Ko avgo avutno arakhibe taro Konsilideibaskoro komiteti, sa o džene dena ple komentaria ko aplikacie, anena decizia i aplikacia ka ovel li suportime, sar thaj kola rekomandacie baš anglunikeribe ka oven dende e aplikanteske resarinaja te leljaren pe o resarina taro Fondi. O rekomandacie bičhalena pe dži aplikantia tari rig tar Egzekutivakiri kancelaria thaj taro kana ka keren pe šaj te šurarel pe e ikeribaja ko čači pe tar aktivipa.

Akava procesi lunginela trujal duj masek.

## Sigutne grantia

**O sugutne grantia si limitirime ko maksimum 1.500 evria** thaj olenge šaj te aplicirinel pe ko savo te si vakti, **nane rokoja**. Akala si grantia kola sigate dena pe thaj đaj te oven dromarde kori savo te si aktivipe kova ka kerel pe majhari jek masek pala ko aplikaciakoro leibe. Thaj sar e ničale grantencar, o bahankerde aktivipa zaruri si te tamirinen purkja thaj te arakhen zurarkerdi integracia e čhavenge thaj e siklengje turli siklanakere čhibjencar. O pherdo formulari baš apliciribe valjani te bičhalel pe ki elektronikani pošta ko:

**[fund.buildingbridges@gmail.com](mailto:fund.buildingbridges@gmail.com)**

Pala ko aplikaciakoro leibe, i Egzekutivakiri kancelaria ka dikhljarel lakoro haljovibe e šerutne kriteriumencar thaj anela decizia ka del ja na o rodime love. Poadarig, i Egzekutivakiri kancelaria šaj te avel ko kontakti e aplikantea anglal te anel decizia baši granteskoro deibe thaj te del rekomandacie baš odova sar terevidirinel pe i aplikacia resarinaja te leljaren pe o specifikane resarina taro Fondi.

Akava procesi na lunginela majbut taro nekobor kurke.

## Kriteriumia baši notideibe

Si trin čhania kriteriumia baši notideibe, kola si phanle e:

- Aplikantea thaj e partnerencar;
- Aktivipancar; thaj
- Hardžia.

## Kriteriumia baši notideibe e aplikanteske thaj e partnerenge

Ki te kvalifikuinel pe granteske, **o aplikanti valjani te ovel anglosikljovibaskoro kher(čhavengiri gradinka), sikljovni ja komuna**. E rodipaskoro deibe te si anglosikljovibaskoro kher(gradinka) ja sikljovni jekhe siklanakere čhibjaja, tgani šaj te aplicirinel sar jekhutno aplikanti, numa zaruri si te saikerel siklne majhari duje siklanakere čhibjencar kola istemalkerena pe ki sikljovni. O aplikanti te si jekhečhibjakiri sikljovni, ki aplikacia valjani te oven saikerde majhari panda jek partnernikani sikljovni turli siklanakere čhibjaja. Džikobor

o aplikanti si komuna, tgani moldinela o jekajek principi - i aplikacia valjani te saikerel sikljovnen ja/thaj anglosikljovibaskere kheren(čhavengere gradinken) majhari duje turli siklanakere čhibjencar.

Trujal anglosikljovibaskoro kher(čhavengiri gradinka), sikljovni ja komuna, partneri ki aplikacia šaj te ovel thaj aver čhani nijamalo dženo sar so si dizutnikane organizacie ja/thaj aver čhania edukaciakere organizacie. Numa, ikeren ki godi kaj kana saikerena dizutnikane organizacie ko aktivipangoro ikeribe ko čači,pe, ola valjani te andaren unikatno ekspertizaja/džanlipaja kori korkori o aktivipa, sar thaj te šajdakeren džipherdo moldipe e proekteskere ko saho. Akala organizacie našti te oven lovengere istemalkerutne dende taro proekti Tamirinaja purkja.

## Kriteriumia baš aktivipangoro notideibe

O aktivipa kola si suportime taro Fondi Tamirinaja purkja šaj te oven turli: **komune** kola organizirinena seria čhipote sa e sikljovnencar ki lengiri teritoria; **sikle** kola kerena barabarutne talemia, IT bukjarnekamre, modakere revie ja didžej setia; **sikavne** kola legarena seria hemime čhipote; **jeria** kola si saikerde ko pali-sikljovnakere aktivipa; **sikljovne** kola kerena barabarbuti jek avreja t.a.

O šajdipa si abiagorale thaj nane zorzjale limitiriba sa džikana lende si pozitivno čhani te saikeren pe sikle **turli siklanakere čhibjencar**, a odolea te tamirinen pe phandljari baskere purkja. Akava si šajdutno kana o anglodikhle aktivipa:

- ✓ Si kotor tari **seria aktivipa**, a na salde jekhedromeskere, numa džikobor odole čhanea na andarena kori ikeribe ko čači,pe tar esavki seria ko avutnipe (akava ulavdeste si čače e Sigutne grantenge);
- ✓ Si "**hemime**" ko **čačutno haljovibe**, jekajekhe astaribaja taro čhave thaj sikle turli siklanakere čhibjencar; thaj kola našena taro čhipote kola konfrontirinena e khedinen taro mujalutne riga,sar so si mečia taro sikle jekhe siklanakere čhibjaja mujal sikle avere siklanakere čhibjaja;
- ✓ Čhivgje fokusi ko **barabarutne interesia** taro sa o sikle, a na ko **turlipa kola kerena ulaviba**( sar tradicie tar ulavdi khedin, folklori, habe, phiravibaskere peja t.a.);
- ✓ **Ikerena pe ko publik thana** ko esapi tar odola kola ikerena pe ko phanle sikljovibaskere maškara;
- ✓ **Jekajek saikerena murše čhaven thaj čhajen**, sar thaj **čhaven ulavde zarurencar** thaj **aktivnikane jerien**;
- ✓ **Cidena(na saikerena) o politikane aktivipa, numa nikana e khedinen**;
- ✓ Dromarde si tar **interesia korkori taro sikle** thaj nane gndime salde taro sikavne ja sikljovnakoro personali;
- ✓ Legarena kori manglo **barabarutno produkti** procesea tari barabarbuti savo saikerela e siklen taro turli khedina.

O Fondi Tamirinaja purkja **na dela takati e aplikacienge fokusirime ko turli adetia, folklori, habe, phiravibaskere šėja thaj kustika kola kerena turlipe maškar o khedina**, ki istemalkerin kori majmoderna konceptia tar integracia kola si fokusirime ko odova so sa o khedina praktikane ulavena.

## Sikljovnakoro prezententi thaj konsilideiba e siklencar

Sa o proekteskere aplikacie kola saikerena siklen taro majhari 8-to klasi zaruri si te den deibe jekhea ja duje prezententencar taro sikle. Akala prezententia zaruri si te oven direktno saikerde na salde ko procesi tar identificiribe thaj dizajniribe tar aktivipa, numa thaj ko aktivipa thaj ko andaribe deibaja kori Narativno raporti pala ko proekteskoro agorkeribe. Resarin tar akava šarti si te ovel sigurime kaj o bahania saikerena aktivipa baši motiviribe i integracia kola korkori o sikle gndinena la baš majinteresna thaj mačače ikeribaskere, sar thaj te šajdakerel puterdo nakhibe taro ideje maškar o sikavne thaj o sikle. Džikobor i

aplikacia saikerela majbut tari jek sikljovni, sakoja lendar zaruri si te ovel majhari jekhe Presententea taro sikle.

O saikeribe Presententia(a taro sikle nane anglošarti kana i aplikacia si dendi taro čhavengiri gradinka ja fundavni sikljovni, a kana o proekti saikerela siklen majcikne taro 7-to klasi. Palem, kana si šajdutno, o aplikantia valjani te konsultirinen pe siklencar ko vakti taro dizajniribe o proekti. I decizia baš odova savo tipi konsilideibaskere aktivipa majšukar ka funkcionirinen ki konkretno čhipota mukela pe e aplikantenge thaj partnernikane sikljovnenge, lendor ko dikhibe o specifikane kondicie (sar so si o berša taro čhave/sikle kola ka len than ko proekti).

### **Kriteriumia baši deibe noti e hardženge**

**O Fondi Tamirinaja šurkja na dela love,** numa dela o zarurime materialia ja/thaj servisia baš ikeribe ko čačipe tar aktivipa. O aplikanti valjani jekhutno te kerel noti taro anglodikhle hardžia, a pal odova e egzekutivakere kancelariaja agorkerela o bukja.

O aplikacie šaj te saikeren hardžia baši džipherde love e sikavnenge thaj siklanakere kadareske baši buti ko proektnikane aktivipa avrijal taro ničalo bukjarno vakti, sar thaj bašo materialna investicie kola si zarurime baš ikeribe ko čačipe taro planirime aktivipa. Numa, akala čhania hardži nane ko fundavno fokusj taro Fondi Tamirinaja purkja. O Komiteti šaj te rodel revizia taro proekteskere aplikacie kola fokusirinen pe dominantno ko savo te si tar akala hardžia ja nane te alusarel i aplikacia bašo granti. O Komiteti dela majbaro džanlipe aplikaciengne kolende o sikavne tar ačhutno siklanakoro kadari mangena te andaren kori ikeribe ko čačipe tar aktivipa jekhekotorea kerde pro-bono angažmanea.

### **Haberideibe baši andi decizia**

O aplikantia haberidena pe baši andi decizia ko Konsilideibaskoro komiteti taro Fondi Tamirinaja purkja bičhalindor e-mail. Džikobor i aplikacia si kondicionalno leljadi, oi aplikantia ka len komentaria thaj rekomandacie trujal odova sar te revidirinen i aplikacia. Džikobor, i aplikacia si čhudljardi e aplikantenge bičhalena pe o karane baš esavki decizia.

O aplikacie kola si majkonzistentna e resarinencar tar akava legarutno, kolen si majlačho kvaliteti, adžikerdo ipmakti, kontinuiribe thaj si majekonomikane si olen majbare šanse baši granteskoro leibe.

\* \* \*

O Fondi Tamirinaja purkja dela lače čajdipa e neve generaciengne te ovenr esibaja dži barvalipa kola ikljovena taro turlipa. Aplicirinen thaj tamirinen neve purkja baši Tumari khedin, komuna, sikljovni, anglosikljovibaskoro kher(čhavengiri gradinka) thaj sikle.



## APLIKACIA BAŠO LOVE TARO FONDI TAMIRINAJA PURKJA

Proekteskoro anav	
Aplikanti	[LIPAREN E KOMUNAKORO ANAV <sup>1</sup> ]
Partneria	[LIPAREN O ANAV TARI KOMUNA THAJ SAKONE PARTNERENGORO KOSEN ANAVA NIČE DŽIKOBOR NANE TUMEN SAIKERDO PARTNERIA]

### I Aplikanteskoro profili<sup>2</sup>

Sikljovnakiri adresa		Siklanakiri čhib/	
Sikljovnakoro direktori, tel.numero thaj e.mail		Proekteskoro menadžeri <sup>3</sup> , mobilnoskoro num. thaj e.mail	
Gradinka(anglisikljovibaskoro kher), fundavni ja maškaruni?	-	Hemime si ja na o Iraniba (smene)?	- [liparen o anava thaj o paralelke(klasia)]
Iranibaskoro(smenengoro) numero?	-	Siklengoro prezententi/a	
Akanaskere ja/thaj anglederutne barabarutne aktivipa e partnerencar	[liparen o sa akanaskere ja/thaj anglederutne barabarutne aktivipa, ulavdeste džikobor o jekajek sine suportime taro Fondi tamirinaja purkja - ma khuven ko detalja akate, odoleske istemalkeren o kotor III.5 majtele]		

### II Profili taro partneri/a

[Džikobor si tumen majbut partneria taro kobor so si muklo than majtele, tromaleste džiden o zarurime kotora istemalkerindor copy/paste. Te nane tumen partneria, ma dikhen akava kotor.]

Anav, adresa thaj komuna-partneri1		Siklanakiri čhib/ja	
Gradinka(anglisikljovibaskoro kher), fundavni ja maškaruni?	-	Hemime si ja na o iraniba(smene)?	- [o sikle turli siklanakere čhibjencar si ja na ko jekajek iranibe(smene)?]
Iraniskoro(smenengoro) numero?	-		
Kontakt dženo partneri 1	[anav thaj pozicia]	Siklengoro prezententi/a-partneri 1	[liparen o anava thaj o paralelke(klasia)]

Sahno rodime love

MKD

<sup>1</sup> Sakote kosen o teksti kova si ko parentezia(zagrade), saikerindor thaj o fusnote kola arakhena pe ko parenteze(zagrade). Resarin tar akava teskti si te keren pe o bukja majšukar haljovibaskere, te šajdakerel misalia(egzemploja) thaj/ja te ovel sar legarutno.

<sup>2</sup> Džikobor o aplikanti si komuna, ko than taro liparibe e direktorskoro anav, liparen o anav thaj o kontakta taro džovapialo(responsabilno) dženo akale proekteske. Ki esavki čhipota, na valjani te den džovapi ko pučiba kola si relevantna salde e gradinkege thaj e sikljovnege.

<sup>3</sup> O proekteskoro menadžeri si o džovapialo(responsabilno) dženo baši kamijabalo(suksesijalo) ikeribe ko čačipe taro bahankerde aktivipa, sar thaj bašo hazrikeribe thaj deibe o Paluno narativno raporti pala ko proekteskoro agorkeribe.

### III Kova si o plani?

#### III.1 Harno rezime

[Molinaja tumen, harneste vakeren o aktivipa kolen mangena te keren olen. Ma khuven ko detalja thaj ma liparen aktivipa kola sine kerde ko nakhlo vakti.]

#### III.2 Ko si saikerdo?

[Molinaja tumen, liparen detalja e siklenge kola ka oven saikerde ko aktivipangoro ikeribe ko čačipe. Te si tumen majbut partneria ja saikerde sikavne taro than kobor so si tumen majte, džiden majbut ničea(kolone). Te nane tumen partneria, kosen o bizarurime ničea(kolone).]

		O evidentia ko akala štar kolone si phanle salde e direktno saikerde siklencar			
Anav tar aplikanti thaj partneri/a	Sahno num. taro sikle	Siklengoro num.	Paralelka / klasi	Poleskoro isipe	Isipe taro siklanakere čhibja
1. [Anav tari sikljovni aplikanti]			[III paral. – 20; IV klasi - 15]	[30 M, 35 dž]	[30 M, 30 A, 30 V, 30 S, 30 Kh, 30 B, 30 R]
2. [Anav tari sikljovni partneri]					
Anav taro sikavne thaj aver kadari direktno saikerde ko aktivipa	Pozicia thaj anav tari sikljovni/gradinka(anglisikljovibaskoro kher)	Numero taro mobilno telefoni	E-mail		
1.					
2.					
3.					
4.					

#### III.3 Siklengoro saikeribe ko dizajniribe taro proekteskere aktivipa

[Ko savo čhani saikergjen e siklen ko procesia tar identifikacia o potencialna aktivipa thaj dizajniribe o akate bahankerde aktivipa? Len ko dikhibe kaj thaj o sikle taro Tumare partneria šaj te oven konsultirime thaj te den plo deibe. Liparen thaj keren deskripcia sa o aktivipa ko akava procesi.]

#### III.4 Procesi tar alusaribe Prezententi/a taro sikle

[Ko savo čhani alusargjen e Prezentente/n taro sikle tari sakoja sikljovni? Molinaja tumen liparen sa o aktivipa ko akava procesi. Jekajek, len ko dikhibe kaj o eventualna partneria zarurea alusargje ple Prezentente/n taro sikle anglal e granteskoro deibe. Roden taro Tumare partneria te šajdakeren tumenge evidentia trujal lengoro selekciakoro procesi.]  
[Džikobor si tumen majbut partneria taro than lajtele, molinaja Tumem tromaleste te džiden džipherdo than istemalkerindor copy/paste. Te nane tumen partneri, kosen o bizarurime than.]

##### [anav tari sikljovni aplikanti]

[Molinaja Tumem te den detalja bašo čhani kolesar alusargjen e Prezentente/n taro sikle. Liparen i lokacia/je kote kerena o aktivipa taro selekciakoro procesi, sar thaj o anav thaj i pozicia taro džovapialo dženo. Liparen thaj keren deskripcia bašo sa o aktivipa ko akava procesi. Keren sa ki te ovel sigurime kaj saikerena majbaro šajdutno gendo taro sikle ko selekciakoro procesi thaj šajdakeren jekajek šajdipa thaj resibe džiči akaja pozicia sa e interesirime siklenge.]

[data/ periodi tar aktivipangoro ikeribe ko čačipe]

[Sahno gendo taro sikle direktno saikerde ko aktivipa]

[Anav taro sikavne thaj aver kadari direktno saikerdo ko aktivipangoro ikeribe ko čačipe]

##### [anav tari sikljovni partneri 1]

[Molinaja Tumem te den detalja bašo čhani kolesar alusargjen e Prezentente/n taro sikle. Liparen i lokacia/je kote kerena o aktivipa taro selekciakoro procesi, sar thaj o anav thaj i pozicia taro džovapialo dženo. Liparen thaj keren deskripcia bašo sa o aktivipa ko akava procesi. Keren sa ki te ovel sigurime kaj saikerena majbaro šajdutno gendo taro sikle ko selekciakoro procesi thaj šajdakeren jekajek šajdipa thaj resibe džiči akaja pozicia sa e interesirime siklenge]

[data/ periodi tar aktivipangoro ikeribe ko čačipe]

[Sahno gendo taro sikle direktno saikerde ko aktivipa]

[Anav taro sikavne thaj aver kadari direktno saikerdo ko aktivipangoro ikeribe ko čačipe]

#### III.5 Kontinuiribe tar anglederutne aktivipa

[Molinaja Tumem te den detalja trujal save te si anglederutne aktivipa baš anglunikeribe i maškaretnikani integracia kerde tar aplikanti thaj/ja taro partneria. Angleder te si ldendo granti taro Fondi Tamirinaja purkja e aplikanteske thaj/ja e partnerenge keren deskripcia e aktivipange ikerde ko čačipe suportea taro Fondi.]





## V So valjani tumenge?

[Vakeren amenge so valjani Tumenge! Gndinen ko sa o stavke kola valjani Tumenge baši kamijabalo ikeribe ko čačiipe tar aktivipa. Len ko dikhibe o zarurime bukja kinibaske, servisia, aver hardžia, provizie, hardžia bašo transporti t.a. Oven detalna thaj realna. Ma muken/ma bistren khanči soske džikobor nesavi stavka nane lipardi ko budžeti amen ka našti te da love baši late.]

[Te si tumen majbut budžeteskere stavke taro than so si majtele, džiden džipherde kolone. Te si tumen majhari, kosen o buzarurime kotora. Tromaleste čhiven džipherde kolone baši teli-stavke tari savi te si stavka (misal. 3.1. Aktivipe baši čitribe; 3.1.3. Kreonia)]

Stavka	Jekhin	Gendo	Jekhutno fijati	Sahno fijati
<b>1. Manušikane resursia</b>				
1.1. Hardžia bašo sikle thaj aver kadari <sup>4</sup>				
1.2.				
1.3.				
			<b>Sahno Manušikane resursia</b>	
<b>2. Transporti</b>				
2.1.				
2.2.				
2.3.				
2.4.				
2.5.				
			<b>Sahno Transporti</b>	
<b>3. Aktivipa<sup>5</sup></b>				
3.1.				
3.2.				
3.3.				
3.4.				
3.5.				
			<b>Sahno aktivipa</b>	
<b>4. Zarurime artiklia(oprema)</b>				
3.1.				
3.2.				
3.3.				
3.4.				
3.5.				
			<b>Sahno Zarurime artiklia</b>	
<b>5. Aver</b>				
5.1.				
5.2.				
5.3.				
			<b>Sahno aver</b>	
			<b>Sahno</b>	<b>MKD</b>

<sup>4</sup> Džikobor rodena hardžia bašo sikavne thaj aver kadari, Molinaja Tumen len ko dikhibe kaj **jekhutno aria avrijal taro ničale bukjarne aria šaj te oven suportime akale budžeteja**. I jekhin šaj te ovel sikavdi pali aria ja divesa (misal. Te si palo dive, o gendo si 0,25 ( baši ¼ bukjarne dive, ekvivalenti ko 2 aria), džikote o jekhutno fijati si 500 MKD)

<sup>5</sup> Molinaja Tumen te liparen o aktivipa pali jekajek niče sar thaj ko III.6 Plani baš aktivipa. Džiden džipherde kolone ki te saikeren sa o stavke. O materialia kola si zarurime baš ikeribe ko čačiipe o aktivipe valjani te oven liparde teli odova aktivipe (misal. baš ikeribe ko čačiipe o Aktivipe 1 taro III.6 Vizita ki Makedoniakiri opera thaj baleti valjani te saikeren o hardžia bašo transport teli 2.Transporti, džikote o ačhutne hardžia (sar biletia, hajbe, piibe t.a.) valjani te liparen pe teli 3.1.1., 3.1.2., 3.1.3...).

## VI Kontinuiribaskoro šajdipe

[ So pala ko kamjabalo ikeribe ko čačipe taro aktivipa? Ko savo čhani Tumen thaj Tumare partneria ka tamirinen o lende rezultatia? Sar akava proekti ka kerel asari ko anglunikeribe i maškaretnikani integracia thaj ko esavke aktivipa pala ko agokeribe taro proekti? Ko savo čhani ka istemalkeren o lende artiklia (oprema) baš anglunikeribe i maškaretnikani integracia? Užeste liparen sar ka šajdakeren o dikhljakeribe taro ikerde ko čačipe aktivipa thaj sar olen ka notikeren olen.



ГРАНТОВИ ЗА ЗАЕДНИЧКИ АКТИВНОСТИ  
**ГРАДИМЕ МОСТОВИ**

Република Македонија  
Министерство за образование и наука

ОБСЕ  
Организација за безбедност и соработка во Европа  
Мисија во Скопје

Kingdom of the Netherlands

WITH FUNDING FROM  
AUSTRIAN  
DEVELOPMENT  
COOPERATION

OSCE  
U.S. DEPARTMENT OF STATE